

Bukinan di Margith Dacomo



Margith Dacomo

ORANJESTAD - Margith Dacomo a nace dia 28 di Januari 1949. Su tata ta yiu di Corsou y su mama ta Boneriano. Margith a bay Mulo A y a caba su scol na 1968 y e mes un aña a cuminsa traha. Semper for di mucha chikito Margith tabata masha interesa den lesamento y tambe skirbimento di historia cortico na scol.


BO SOÑO UN FORTUNA
Kico ta un soño? Hopi hende kier sa significacion di nan soño. Un soño ta revela na nos kico futuro tin pa nos. E ta yega na nos den forma di parabol y esey ta pone cu bo mester di un bon buki di soño pa consulta. E soño ta alerta bo pa locual cu ta bay pasa, sea malo of bon. Un soño ta manifesta su mes na un di e diferente formanan: deformacion, reemplaso, comprimi simbolisacion. E buki aki ta un obra cu sigur bo mester tin den bo coleccion pa consulta

ora bo tin mester.

BO DESTINO CU DOU

Bo tin gana di sa bo futuro of e contesta riba un pregunta sin consulta un mirado di destino? Sa bo destino of haya contesta riba un pregunta haciendo uzo di dou, ta un di e maneranan di mas facil pa sa kico por bay pasa of ta pasando cu bo. E uzo di dou ta conoci rond di mundo. Egyptonan den pasado, Romanonan, Griegonan y Arabenan tur tabata uza dou di diferente forma y material. Den bijbel e dou ta keda menciona como "E manera di mira destino". Bo por uza e metodo di antes aki pa contesta bo preguntanan di tur dia igual cu nos antepasadonan a haci pa centenares di aña. E douw a keda mesun cos y e manera di uz'e di awendia a keda desaroya miles di aña pasa.

E YABI



Bo por tin tur loke bo kier, haci tur loke bo kier y ta e persona cu abo kier ta. E yabi pa esaki ta e Ley di Atraccion. Awor bo ta bay drenta e mundo fascinante di poder mental y exito. Bo ta bay hunga e papel di super estrea den e pelicula di bo bida. E buki aki ta bay muestra bo un mundo maravioso caminda bo soñonan ta bira realidad. Tur cos cu bini riba bo caminda, ta abo mes ta atrae. Bo ta atrae nan door di e pensamentonan cu bo a crea den bo mente. Ta loke bo ta pensa ta sosode. Pensamento ta conduci na deseo, deseo ta conduci na accion y accion ta conduci na realisacion. Tur pensamiento ta un poder, un forsa. Nos mester percursa pa nos relacion cu e ser supremo



ta bon. Si e relacion aki ta bon tur nos sobra deseonan ta keda cumpli. Deleita bo mes den señor y e ta dunabo e deseonan di bo curason.

PERLA

Perla ta un coleccion di poesia cu ta trata situacionnan saca for di bida diario di nos cada uno.

Diasabra awor dia 6 di Juli Margit Dacomo lo ta na Van Dorp Dakota pa presenta y firma su bukinan pa esunnan interesa. Margit Dacomo lo t'ey for di di 11'or di mainta pa 1'or di merdia. □